

樂府詩集

二十三



樂府詩集卷第六十四

太原

郭

茂倩

編次

雜曲歌辭

五遊

魏曹植

九州不足步，願得凌雲翔。逍遙八紘外，遊目歷遐荒。  
披我丹霞衣，襲我素霓裳。華蓋紛掩謁，六龍仰天驤。  
曜靈未移景，倏忽造吳蒼。閭闔啓丹扉，雙闥曜朱光。  
徘徊文昌殿，登陟太微堂。上帝休西極，羣后集東廂。  
帶我瓊瑤佩，漱我沆瀣漿。踟躕玩靈芝，徙倚弄華芳。  
王子奉仙藥，羨門進奇方。服食享遐紀，延壽保無疆。

遠遊篇

曹植

樂府詩集卷第六十四

楚辭遠遊章句曰：悲時俗之迫阨，兮願輕舉而遠遊。質菲薄而無因，兮焉託乘而上浮。王逸云：遠遊者，屈原之所作也。屈原履方直之行，不容於世，困於讒佞，無所告訴，乃思與仙人俱遊戲，周歷天地，無所不至。焉，周王靈侯又有輕舉篇，亦出於此。

遠遊臨四海，俯仰觀洪波。大魚若曲陵，承浪相經過。  
靈鼈戴方丈，神岳儼嵯峨。仙人翔其隅，玉女戲其阿。  
瓊蕊可療飢，仰漱吸朝霞。崑崙本吾宅，中州非我家。  
將歸謁東父，一舉超流沙。鼓翼舞時風，長嘯激清歌。  
金石固易弊，日月光華齊。年與天地萬，乘安足多。

輕舉為

周王褒

天地能長久神仙壽不窮  
白玉東華檢方諸西岳童  
我瞻少海北暫別扶桑東  
俯觀雲似蓋低望月如弓  
看棊城邑改辭家墟巷空  
流珠餘舊竈種杏發新叢  
酒醺瀛洲王劍鑄昆吾銅  
誰能攬六博還當訪井公

仙人篇

曹植

樂府廣題曰秦始皇三十六年使博士為  
仙真人訂遊行天下令樂人歌之曹植仙  
人篇曰仙人攬六著言人生如寄當養羽  
翼徘徊九天以從韓終王喬於天衢也齊  
陸瑜又有仙人攬六著篇蓋出於此

樂府詩集卷六十五

廿

仙人攬六著對博太山隅湘娥拊琴瑟秦女吹笙竽  
玉樽盈桂酒河伯獻神魚四海一何局九州安所如  
韓終與王喬要我於天衢萬里不足步輕舉凌太虛  
飛騰踰景雲高風吹我軀迴駕觀紫微與帝合靈符  
閭闔自嵯峨雙闢萬丈餘玉樹扶道生白虎夾門樞  
驅風遊四海東過王母廬俯觀五岳間人生如寄居  
潛光養羽翼進趣且徐徐不見昔軒轅升龍出鼎湖  
徘徊九天下與爾長相須

仙人覽六著篇

齊陸瑜

九仙會歡賞六著且娛神戲谷間餘地鈔山憶舊秦  
避敵情思巧論兵勢重新問取南皮夕還笑拂棊人

神仙篇

齊王融

命駕瑤池側一作限過息羸女臺長袖何靡靡  
蕭管清且哀璧門涼月舉珠殿秋風迴青鳥驚高羽  
王母停玉杯舉手慙為別千年將復來

同前

梁戴暠

徒聞石為火未見坂停丸暫數盈虛月長隨晝夜瀾  
辭家試學道逢師得姓韓閩山金靜室蓬丘銀露壇  
安平醞仙酒渤海轉神丹初飛喜退鳳新學法乘鸞  
十芒生月腦六醎起星肝瓊播疑俗信玉類陽宮  
玄都宴晚集紫府事朝看謝手今為別進憐此俗難

同前

陳張正見

樂府詩集卷六十四

三

瀛州分渤海閩苑隔虹蜺欲識三山路須尋千仞溪  
石梁雲外去蓬丘霧裏迷年深毀丹竈學久棄青泥  
葛水留還杖天衢鳴去鷄六龍驤首起雲閣萬里一  
別何寡廓玄都府內駕青牛紫蓋山中乘白鶴尋陽  
杏花終難朽武陵桃花未曾落已見玉女笑投壺復  
覩仙童飲六博同甘玉父棗俱飲流霞藥鸞歌鳳舞  
集天台金闕銀宮相向開西王已令青鳥去東海還  
馭赤虬來魏武還車逢漢女荆王因夢識陽臺鳳蓋  
隨雲聊蔽日霓裳雜雨復乘雷神岳吹笙遙謝手當  
知福地有神才

同前

隋盧思道

浮生猷危促名岳共招攜雲軒遊紫府風駟上丹梯  
時見遼東鶴屢聽淮南雞玉英持作寶瓊實採成蹊  
飛策揚輕電懸旌耀彩蜺瑞銀光似燭靈石髓如泥  
寡廓鸞山右超越鳳洲西一九應五色持此救人迷

同前

魯范

王遠尋仙至藥巴訪術迴乘空向紫府控鶴下蓬萊  
霜分白鹿駕日映流霞杯煎金丹未熟醒酒藥初開  
乍應觀海變誰肯畏年積

神仙曲

唐李賀

碧峯海面藏靈書上帝揀作神仙居晴時笑語聞空  
虛聞乘巨浪騎鯨魚春羅剪字邀王母共宴紅樓最  
深處鶴羽衝風過海遲不如卻使青龍去猶疑王母  
不相許垂露娃鬟更傳語

昇仙篇

梁簡文帝

少室堪求道明光可學仙丹縉碧林宇綠玉黃金篇  
雲車了無轍風馬詎須鞭靈桃恒可餌幾迴三千年

飛龍篇

曹植

楚辭離騷曰為余駕飛龍兮雜瑤象以為  
車曹植飛龍篇亦言求仙者乘飛龍而昇  
天與楚辭同意按琴曲亦有飛龍引

晨遊泰山雲霧窈窕忽逢二童顏色鮮好乘彼白鹿  
手翳芝草我知真人長跪問道西登玉堂

一作金樓

復道授我仙藥神皇所造教我服食還精補腦壽同  
金石永世難老

應龍篇

張正見

張正見應龍篇言龍未起時乃在淵底藏  
以諭君子隱居養志以待時也廣雅曰有  
鱗曰蛟龍有翼曰應龍有角曰虬龍無角  
曰螭龍

應龍未起時乃在淵底藏非雲足不蹈舉則冲天翔  
譬彼野蘭草幽居常獨香清風播四遠萬里望芬芳  
隱居可頤志自見焉得彰

鬪雞篇

曹植

樂府詩集卷六十四

五

春秋左氏傳曰季郈之鷄鬪季氏介其雞  
郈氏為之金距杜預云擣芥子播其羽也  
或曰以膠沙播之為介雞鄴都故事曰魏  
明帝大和中築鬪雞臺趙王石虎亦以芥  
羽溱砂鬪雞于此故曹植詩云鬪雞東郊  
道走馬長楸間是也

遊目極妙伎清聽厭宮商主人寂無為衆賓進樂方  
長筵坐戲客鬪雞觀閒房羣雄正翕赫雙翹自飛揚  
揮羽邀清風悍日發朱光背落輕毛散嚴距往往傷  
長鳴入青雲扇翼獨翱翔顛蒙狸膏助常得擅此場

同前

梁劉孝威

丹鷄翠翼張如敵復專場翅中含芥粉距外耀金芒  
氣喻上黨列名媿下講良祭橋愁魏后食茹忌齊王  
願賜淮南藥一使雲間翔

盤石篇

曹植

盤石山巔石飄飄淵底蓬我本太山人何為客海東  
翟葭彌斥土林木無分重岸巖若崩缺湖水何洶洶  
蚌蛤被濱涯光彩如錦虹高彼凌雲霄浮氣象螭龍  
鯨羹若丘陵鬚若山上松呼吸吞船櫂澎湃戲中鴻  
方舟尋高價珍寶屢以通一舉必千里乘颶舉帆幢  
經危履險阻未知命所鍾常恐沈黃壚下與鼃鼈同  
南極蒼梧野遊眇窮九江中夜指參辰欲師當定從

樂府詩集卷六十四

六

仰天長太息思想懷故邦乘桴何所志于嗟我孔公

驅車篇

曹植

驅車揮駑馬東到奉高城神哉彼太山五嶽專其名  
隆高貫雲霓嵯峨出太清周流二六候間置十二亭  
上有涌醴泉玉石揚華英東北望吳野西眺觀日精  
竄神所繫屬逝者感斯征王者以歸天効厥元功成  
歷代無不遵禮記有品程探策或長短唯德享利貞  
封者七十帝軒皇元獨靈飡霞漱沆瀣毛羽被身形  
數舉蹈虛廓徑廷升窈冥同壽東父年曠代永長生

種葛篇

種葛南山下葛纍自成陰與君初婚時一作初結髮



恩義深歡愛在披席宿昔同衣衾竊慕崇棣篇好樂  
和瑟琴行年將晚暮佳人懷異心恩紀曠不接我情  
遂抑沉出門當何顧徘徊步北林下有交頸獸仰見  
雙栖禽攀枝長歎息淚下沾羅襟良馬知我悲延頸  
代我吟昔為同池魚今為商與參往古皆歡遇我獨  
困於今棄置委天命悠悠安可任

秋蘭篇

晉傅玄

秋蘭本出於楚辭離騷云秋蘭兮蘼蕪羅  
生兮堂下綠葉兮素華芳菲菲兮襲予蘭  
香草言芳香菲菲上及於我也傅玄秋蘭  
篇云秋蘭蔭玉池池水且芳香其旨言婦

樂府詩集卷六十四

七

4

人之託君子猶秋蘭之蔭玉池與楚辭同意  
秋蘭蔭玉池池水且芳香芙蓉隨風發中有雙鴛鴦  
雙魚自湧濯兩鳥時迴翔君其一作歷九秋與妾同  
衣裳

松柏篇

東鮑照

松柏篇鮑照擬傅玄樂府龜鶴篇而作也  
松柏受命獨歷代長不喪人生浮且脆孰若晨風悲  
東海迸逝川西山道落暉南郭悅籍短蒿里收永歸  
諒無疇昔時百病起盡期志士惜牛刀忍勉自療治  
傾家行樂事顛沛去迎醫徒備火石苦奄至不得辭  
龜齡安可獲岱宗限已迫睿聖不得留為善何所益

捨此赤縣居就彼黃壚宅永離九原親長與三辰曠  
屬續生望盡闔棺世業埋事痛存人心恨結亡者懷  
祖葬既云及塋塋亦已開室族內外哭親疏同共哀  
外姻遠近至名列通夜臺扶輿出殯宮低迴戀庭室  
天地有盡期我去無還日居者今已盡人事從此畢  
火歇烟既沒形銷聲亦滅鬼神來依我生人永辭訣  
夫暮杳悠悠長夜無時節鬱烟重冥下煩冤難具說  
安寢委沉寔戀戀念平生事業有餘結形迹未及成  
資儲無檐石兒女皆孩嬰一朝放捨去萬恨纏我情  
追憶世上事束教以自拘明發靡怡念夕歸多憂虞  
撒開晨廷流輟宴式酒儒知今瞑目苦恨失爾時娛

樂府詩集卷之四

樂府詩集卷之四

八

八

遙遙遠民居獨埋深壤中墓前人跡滅冢上草日豐  
空床響鳴蛸高松結悲風長寐無覺期誰知逝者窮  
生存處交廣連榻舒華裯已沒一何苦搭哉不容身  
昔日平居時晨夕對六親今日掩奈何一見無諧因  
禮席有降殺三齡速過隙凡筵就收撤室宇改疇昔  
行女遊歸途仕子復王役家世本平常獨有亡者劇  
時祀望歸來四節靜塋丘孝子撫墳號父子知來不  
欲還心依戀欲見絕無由煩冤荒隴側肝心盡崩抽

采菊篇

梁簡文帝

月精麗草散秋株洛陽少婦絕妍姝相喚一作提筐  
采菊珠朝起露濕霑羅襦東方千騎從驅駒豈不下

山逢故夫

飛塵篇

傅玄

飛塵穢清流朝雲蔽日光秋蘭豈不芬鮑肆亂其芳  
河決潰金堤一手不能障

閭闔篇

梁武帝

張衡西京賦曰表峽開於閭闔閭闔闔闔天門  
也立高闕以象之薛綜云紫微宮門名曰  
閭闔也閭闔篇蓋出於此

西漢本佳妍金馬望甘泉衛尉屯兵上期門曉漏傳  
猶重河東賦欲知追神仙羽騎凌雲轉閭闔帶空懸  
長旗掃月窟鳳迹輾星躔使丹砂就能令億萬年

樂府詩集卷六十四

九

登名山行

名山本鎮地迢遞上凌霄雲披金澗近霧起石梁遙  
翠微橫鳥路珠樹拂星橋風急清溪晚霞散赤城朝  
寓目幽棲客駕口尋綺季跡絕旄源士忘情漆園吏  
沉冥負俗心踈索凌雲意蒼蒼聳極天伏眺盡山川  
疊峰如積浪分崖若斜烟淺一深聞渡雨輕重聽飛泉  
采藥逢三島尋真遇九仙藏去舌凡幾代看傳已經年  
逝將追羽客千載一來旋

西長安行

傅玄

樂府解題曰西長安行晉傅休奕云所思  
兮何在乃在西長安其下因叙別離之意

也三輔舊事曰長安城以北斗周地圖記  
曰長安城南為南斗形北為北斗形通典  
曰漢高帝自櫟陽徙都長安至惠帝方教  
人徒築城即長安西北古城是也

所思兮何在乃在西長安何用存問妾香橙雙珠環  
何用重存問羽爵翠琅玕今我兮問君更有兮異心  
香亦不可燒環亦不可沈香燒日有歇環沈日自深

齊謳行

晉陸機

漢書曰漢王至南鄭諸將及士卒皆歌謳  
思東歸顏師古曰謳齊歌也謂齊聲而歌  
或曰齊地之歌禮樂志曰齊古謳負六人

梁元帝纂要曰齊歌曰謳是也陸機齊謳  
行脩言齊地之美亦欲使人推分直進不  
可妄有所營也

營丘負海曲沃野爽且平洪川控河濟宗山入高冥  
東被姑尤側南界聊攝城海物錯萬類陸產尚千名  
孟諸吞楚夢百二作秦京惟師恢東表栢后定周傾  
天道有迭代人道無久盈鄙哉牛山歎未及至人情  
爽鳩苟已徂吾子安得停行行將復去長存非所營

同前

梁沈約

東秦稱右地川隰因山夷起層峯駕蒼雲濁河流素壤  
青丘良杏鬱雪宮山石疏啟王佐改殷命霸切繹周綱

齊歌行

齊陸厥

黃金徒滿籬不如守章句雪宮紛多士稷下岌成覆  
一作同載雙連珠一作合席懸河注垂帷五行下操  
筆百金賦華屋大車方高門駟馬驅玄豹空不食南  
山隱雲霧

吳趨行

陸機

崔豹古今註曰吳趨行夫人以歌其地陸  
機吳趨行曰聽我歌吳趨趨步也

楚妃且勿歎齊娥且莫謳四坐並清聽聽我歌吳趨  
吳趨自有始請從閭門起閭門何嵯峨飛閣跨通波  
重藥承遊極迴軒啓曲阿藹藹慶雲被泠泠鮮風過

樂府詩集卷六十四

十一

山澤多藏育土風清且嘉秦伯導仁風仲雍揚其波  
穆穆延陵子灼灼光諸華王迹積陽九帝功興四遐  
大皇自富春矯首頓世羅邦彥應運興粲若春林葩  
屬城咸有士吳邑取為多八族未足侈四姓實名家  
文德熙淳懿武功侔山河禮讓何濟濟流仁自滂沱  
淑美難窮紀商榷為此歌

同前

蠶滿蓋重簾唯有遠相思藕葉清朝釗何見早歸一作  
還時

同前

梁元帝

水裏生慈翅池心怕欲飛蓮花逐林返何時乘舫歸

會吟行

宋謝靈運

樂府解題曰會吟行其致與吳趨同會謂會稽謝靈運會吟行曰咸共聆會吟

六引緩清唱三調佇繁音列筵皆靜寂咸共聆會吟  
會吟自有初請從文命敷勳績壺冀始刊木至江汜  
列宿炳天文負海橫地里連峯競千仞背流各百里  
漉地溉粳稻輕雲暖松杞兩京愧佳釀三都豈能似  
層臺指中天高墉積崇雉飛燕躍廣途鷓首戲清沚  
肆呈窈窕容路曜姬娟子自來彌世代賢達不可紀  
句踐善廢興越叟識行止范蠡出江湖梅福入城市  
東方就旅逸梁鴻去桑梓率綴書土風辭彈意未已

樂府詩集卷第六十四

樂府詩集卷第六十五

太原

郭

茂倩

編次

雜曲歌辭

北風行

鮑照

北風本衛詩也北風詩曰北風其涼雨雪其雱傳云北風寒涼病害萬物以喻君政暴虐百親不親也若鮑照北風涼李白燭龍棲寒門皆傷北風雨雪而行人不歸與衛詩異矣

北風涼雨雪雱京洛女兒多嚴妝遥豔帷中自悲傷  
沉吟不語若為一作忘問君何行何當歸苦使妾坐

樂府詩集卷六十五

自傷悲慮年一作去一作慮顏衰情易復恨難追

向前

唐李白

燭龍棲寒門光曜猶旦開日月照之何不及此唯有  
北風號怒天上来燕山雪花大如席片片吹落軒轅  
臺幽州思婦十二月停歌羅笑雙蛾摧倚門望行人  
念君長城苦寒良可哀別時提劍救邊去遺此虎文  
金鞮釵中有一雙白羽箭蜘蛛結網生塵埃箭空在  
人今戰死不復迴不忍見此物焚之已成灰黃河捧  
土尚可塞北風雨雪恨難裁一作

苦熱行

鮑照

魏曹植苦熱行曰行遊到日南經歷交趾

鄉苦熱但曝靈越夷水中窟樂府解題曰  
苦熱行脩言流金爍石火山炎海之艱難  
也若鮑照云赤阪橫西阻火山赫南威言  
南方瘴癘之地盡節征伐而賞之太薄也  
赤阪橫西阻火山赫南威身熱頭且痛鳥墮  
魂未歸湯泉發雲潭焦烟起石礫日月有  
恒昏雨露未嘗晞丹蛇踰百尺玄蜂盈十  
圍含沙射流影吹鼓病行暉瘴氣晝熏體  
茵露夜霑衣饑猿莫下食晨禽不敢飛毒  
涇尚多死渡瀘寧具腓生軀蹈死地昌志  
登一作禍機戈船榮既薄伏波賞亦微爵輕  
君尚惜士重安可希

樂府詩集卷六十五

二

同前

梁簡文帝

六龍驚不息三伏啓炎陽寢興煩几案俯仰倦幃床  
滂沱汗似鑠微靡風如湯泗池愧玉浪蘭殿非含霜  
細簾時半卷輕幌乍橫張雲斜花影沒日落荷心香  
願見洪崖井詎憐河朔觴

同前

梁任昉

旭旦烟雲卷烈景入東軒傾光望轉蕙斜日照西垣  
既卷焦梧葉復傾葵藿根重葦無冷氣挾石似懷溫  
霖霖頽珠綴喘嚇狀雷奔

同前

梁何遜

日聞草木焦今觀沙石涸曠曠風愈靜曠曠日漸肝



習靜悶衣巾讀書煩几案卧思清露浥坐待明星燦  
蝙蝠戶間飛蟻蠓窓中亂會無河朔飲室有臨淄汗  
遺金自不拾惡木寧無棘願以三伏晨催促九秋換

同前

唐庾信

火井沈熒散炎洲高歌通鞭石未成雨鳴鳶不起風  
思為鸞翼扇願備明光宮臨淄迎子禮中散就安豐  
美酒含蘭氣甘瓜開密筒寂寥人事屏還得隱墻東

同前

唐王維

赤日滿天地火雲成山岳草木盡焦卷川澤皆竭涸  
輕紈覺衣重密樹苦陰薄莞簟不可近絺紵再三濯  
思出宇宙外曠然在寥廓長風萬里來江海蕩煩濁

三八五

樂府詩集卷六十五

三

却顧身為患始知心未覺忽入甘露門宛然清涼樂

同前

唐王穀

祝融南來鞭火龍火旗焰焰燒天紅日輪當午疑不  
去萬國如在洪爐中五嶽翠乾雲彩滅陽侯海底愁  
波竭何當一夕金風發為我掃却天下熱

同前

唐僧皎然

六月金敷伏茲辰日在庚炎曦曝肌膚毒霧昏檐楹  
安得奮翅翮超遥出雲征不知天地心如何匠生成  
火德燒百卉瑶草不及榮省客當此時忽貽懷中瓊  
捧翫煩袂滌嘯歌羨風生遲君佐元氣調使四序平  
中令霜不祆火餘氣常貞江南詩騷客休吟苦熱行

同前

唐僧齊已

離宮劃開赤帝怒喝起六龍奔日馭下土熬熬若煎  
煮蒼生惶惶無處處火雲崢嶸焚沈寨東臯老農腸  
欲焦何當一雨蘇我苗為君擊壤歌帝堯

太行苦熱行

唐劉長卿

迢迢太行路自古稱險惡千騎儼欲前羣峯望如削  
火雲從中起仰視飛鳥落汗馬卧高原危旌倚長薄  
清風何不至赤日方煎爍石露山木焦鱗窮水泉涸  
九重今旰食萬里傳明略諸將候軒車元兇愁鼎鑊  
何勞短兵接自有長纓縛通越事豈難渡瀘功未博  
朝辭羊腸坂夕望貝丘郭漳水斜遶營常山遙入幕

四五

樂府詩集卷六十五

四

永懷姑蘇下因寄建安作白雪和誠難滄波意空託  
陳琳書記好王粲從軍樂早晚歸漢庭隨君上麟閣

同前

唐獨孤及

駟馬上太行脩途亘遼碣王程無留駕日昃未遑歇  
請問此何時恢台朱明月長蛇稽天討上將方北伐  
明主命使臣皇華得時傑已忘羊腸險豈憚溫風熱  
搖策汗滂沱登崖思紆結炎雲如烟火溪谷將恐竭  
晝景絕可畏涼颼何由發山長飛鳥墮目極行車絕  
趙魏方俶擾安危俟明哲歸路豈不懷飲冰有苦節  
會同傳檄至疑議立談決况有阮元瑜翩翩秉書札  
起予歌赤坂永好踰白雪誰念剖竹人無因執羈紲

春日行

鮑照

獻歲發春吾將行春山茂春日明園中鳥多嘉聲梅  
始發柳始青汎舟艫齋棹驚奏採菱歌鹿鳴風微起  
波微生一作微波弦亦發酒亦傾入蓮池折桂枝芳  
袖動芬葉披兩相思兩不知

同前

李白

深宮高樓入紫清金作蛟龍盤繡楹一作繡楹佳人當  
窓弄白日弦將手語彈鳴箏春風吹落君王耳此曲  
乃是升天行因出天池汎蓬瀛樓船感香波浪驚三  
千雙蛾獻歌笑槌鍾考鼓宮殿傾萬姓聚舞歌太平  
我無為人自寧三十六帝欲相迎仙人飄翻下雲軒

三五十九

樂府詩集卷六十五

五

施惠刊

帝不去留鎬京安能為軒轅獨往入宵冥小臣拜獻  
南山壽陛下萬古垂鴻名

同前

唐張籍

春日融融池上暖竹牙出土蘭心短草堂晨起酒半  
醒家僮報我園已滿頭上皮冠未曾整直入花間不  
尋徑樹樹殷勤盡遶行舉枝未徧春日暝不用積金  
著青天不用服藥求神仙但願園裏花長好一生飲  
酒花前老

朗月行

鮑照

朗月出東山照我綺窓前窓中多佳人被服妖且妍  
靚妝坐帷裏當戶弄清弦鬢奪衛女迅體絕飛燕先

為君歌一曲當作朗月篇一作堂上月篇酒至顏自解聲  
和心亦宣千金何足重所存意氣閒

同前

李白

小時不識月呼作白玉盤又疑瑤臺鏡飛在青雲端  
仙人垂兩足桂樹作團團白兔擣藥成問言與誰餐  
蟾蜍蝕圓影天明夜已殘羿昔落九烏天人清且安  
陰精此淪惑去去不足觀憂來其如何惻愴摧心肝

明月篇

晉傅玄

皎皎明月光灼灼朝日暉昔為春蠶絲今為秋女衣  
丹脣列素齒翠彩葳蛾眉嬌子多好言歡合易為姿  
玉顏盛有時秀色隨年棄常恐新間舊變故興細微

三五十八

樂府詩集卷六十五

六

施惠刊

浮萍本無根一作浮萍無根本

非水將何依憂喜更相接樂

極還自悲

明月子

陳謝燮

杪秋之遙夜明月照高樓登樓一迴望望見東一作南  
陌頭故人眇千里言別歷九秋相思不相見望望空  
離憂

堂上歌行

鮑照

四坐且莫一作勿誼聽我堂上歌昔仕京洛時高門臨  
長河出入重宮裏結友曹與何車馬相馳逐賓朋好  
容華陽春孟春月朝光散流霞輕步逐芳風言笑弄  
丹葩暉暉朱顏醜紛紛織女梭滿堂皆美人目成對

湘娥雖謝詩君閑明妝帶綺羅箏笛更彈吹高唱好  
相和萬曲不關情一作一曲動情多欲知情厚薄更  
聽此聲過

前有一罇酒行

傅玄

宜酒結此會主人起行觴玉罇兩楹間絲理東西廂  
舞袖一何妙變化窮萬方賓主齊德量欣欣樂未央  
同享千年壽朋來會此堂

同前

陳後主

殿高絲吹滿日落綺羅鮮莫論朝漏促傾危待夕筵

同前

陳張正見

前有一罇酒主人行壽今日合來坐者當今皆富且

三十九

樂府詩集卷六十五

七

壽欲令主人三萬歲終歲不知老為吏當高遷賈市  
得萬倍桑蠶當大得主人宜子孫

同前二首

李白

春風東來忽相過金罇綠酒生微波落花紛紛稍覺  
多美人欲醉朱顏醜青軒桃李能幾何流光欺人忽  
蹉跎君起舞日西夕當年意氣不肯傾白髮如絲歎  
何益

今奏龍門之綠桐玉壺美酒清若空催弦拂柱與君  
飲看朱成碧顏始紅胡姬貌如花當鑪笑春風笑春  
風舞羅衣君今不醉欲安歸

前緩聲歌

古辭

晉陸機前緩聲歌曰游仙聚靈族高會曾  
城阿言將前慕仙游冀命長緩故流聲於  
歌曲也宋謝惠連又有後緩聲歌大略戒  
居高位而為讒諂所蔽與前歌之意異矣  
按緩聲本為歌聲之緩非言命也又有緩  
歌行亦出於此

水中之馬必有陸地之船但有意氣不能自前心非  
木石荆根株數得覆蓋天當復思東流之水必有西  
上之魚不在大小但有朝於復來長笛續短笛欲今  
皇帝陛下三千萬

同前

晉陸機

樂府詩集卷六十五

八

遊仙聚靈族高會曾城阿長風萬里舉慶雲鬱嵯峨  
宓妃興洛浦王韓起太華北徵瑤臺女南要湘川娥  
肅肅霄駕動翩翩翠蓋羅羽旗棲瓊鸞玉衡吐鳴和  
太容揮高弦洪崖發清歌獻酬既已周輕舉乘紫霞  
搃轡扶桑枝一作濯足賜谷波清輝溢天門垂慶惠  
皇家

同前

宋孔叡子

供帳設玄宮釋仙胥亞焯焯二儀曠雍容風雲暇  
北伐太行鼓南整九疑駕笙歌興洛川鳴簫起秦榭  
鈞天異三代廣樂非韶夏滿堂皆人靈列筵必羽化  
鳥可循日留兔自延月夜弱水時一濯扶桑聊暫舍

北句方履端十齡口八蜡

梁沈約

羽人廣宵宴帳集瑤池東開霞泛綵靄澄霧迎香風  
龍駕出黃苑帝服起河宮九疑轡烟雨三山馭螭鴻  
玉鑿乃排月瑤轂信凌空神行燭玄漠帝旆委曾虹  
簫歌笑羸女笙吹悅姬童瓊漿且未洽羽轡已騰空  
息鳳曾城曲滅景清都中降祐集皇代委祚溢華嵩

同前

宋謝惠連

羲和織阿去嗟峨覩物知命使余轉欲悲歌憂戚人  
心曾慶山勿居峯在行勿為公居峯大阻銳為公遇  
讒藪窮琴自竦越雅韻能揚揚滑滑相混同終始福

樂府詩集卷六十五

九

祿豐

緩歌行

宋謝靈運

飛客結靈友凌空羣丹丘習習和風起采采彤雲浮  
娥皇發湘浦霄明出河洲宛宛連螭轡裔裔振龍旒

同前

唐李頎

小來託身攀貴遊傾財破產無所憂暮擬經過石渠  
署朝將出入銅龍樓結交杜陵輕薄子謂言可生復  
可死一沉一浮會有時棄我翻然如脫屣男兒立身  
須自彊十五閉戶穎水陽業就功成見明主較手鐘日折  
食華堂二八蛾眉梳墮馬羨酒清歌曲房下文昌  
言中賜錦衣長安陌上退朝歸五侯賓從莫敢視三

省官寮揖者稀早知今日讀書是悔作後來任  
俠兒

樂府詩集卷第六十五

樂府詩集卷六十五

十



樂府詩集卷第六十六

太原

郭

茂倩

編次

雜曲歌辭

結客少年場行

宋鮑照

後漢書曰祭遵嘗為部吏所侵結客殺人  
曹植結客篇曰結客少年場報怨洛北邙  
樂府解題曰結客少年場行言輕生重義  
慷慨以立功名也廣題曰漢長安少年殺  
吏受財報仇相與探丸為彈探得赤丸斫  
武吏探得黑丸殺文吏尹賞為長安令盡  
捕之長安中為之歌曰何處求子死相東

樂府詩集卷第六十六

少年場生時諒不謹枯骨復何葬按結客  
少年場言少年時結任俠之客為游樂之  
場終而無成故作此曲也

驄馬金絡頭錦帶佩吳鉤失意杯酒間白刃起相讎  
追兵一旦至負劍遠行遊去鄉三十載復得還舊丘  
升高臨四關一作塞表裏望皇州九衢平若水雙關似  
雲浮扶宮羅將相夾道列王侯日中市朝滿車馬若  
川流擊鍾陳鼎食方駕自相求今我獨何為輾轉懷  
百憂

同前

梁劉孝威

少年本六郡傲遊遍五都插腰銅匕首障日錦塗蘇

鷲羽裝銀鑄犀膠飾象弧近教連雙兔高懸落九鳥  
邊城多警急節使滿郊徯居延箭箠盡踈勒井泉枯  
正蒙都護接何由憚險途千金募惡少一麾擒骨都  
勇餘聊感鞠戰罷戲投壺昔為北方將今為南面孤  
邦君行負弩縣令且前驅

同前

同庾信

結客少年場春風滿路香歌撩李都尉果擲潘河陽  
折一作花遥勸酒就水更移床今年喜夫婿新拜羽  
林郎定知劉碧玉偷嫁汝南王

同前

隋孔紹安

結客佩吳鉤橫行度隴頭鴈在弓前落雲從陣後浮

三五三

樂府詩集卷六十六

二

吳師驚燧象燕將警奔牛轉蓬飛不息冰河結未流  
若使三邊定當封萬里侯

同前

唐虞世南

韓魏多奇節倜儻遺名利共矜然諾心各負縱橫志  
結友一言重相思千里至綠沉明月弦金絡浮雲戀  
吹簫入吳市擊筑游燕肆尋源博望侯結客遠相求  
少年重一顧長驅背隴頭啖啖霜戈動耿耿劒虹浮  
天山冬夏雪交河南北流雲起龍沙暗木落鴈行秋  
輕生徇知己非是為身謀

同前

虞羽客

幽并俠少年金絡空連綫竊符方救魏擊筑正懷燕

輕生辭鳳闈揮袂上祁連陸離橫寶劍出沒驚徂旅  
蒙輪恒顧敵超乘忽爭先摧枯逾百戰拓地遠三千  
骨都竟已散樓蘭首復傳龍城含曉霧瀚海隔遙天  
歌吹金微返振旅玉門旋烽火今已息非復照甘泉

同前

唐盧照隣

長安重游俠洛陽富才雄玉劍浮雲騎金鞍明月弓  
關鷄過渭北走馬向關東孫賓遙見待郭解暗相通  
不受千金壽誰論萬里功將軍下天上虜騎入雲中  
烽火夜似月兵氣曉成虹橫行徇知己負羽遠征戎  
龍旌昏朔霧烏陣卷寒風追奔瀚海咽戰罷陰山空  
歸來謝天子何如馬上翁

三十一

樂府詩集卷六十六

三

同前

唐李白

紫鸞黃金瞳啾啾一作棖棖搖綠平明相馳逐結客洛  
門東少年學劍術凌轢白猿公珠袍曳錦帶匕首插  
吳鴻由来萬夫勇挾此生雄風託交從劇孟買醉入  
新豐笑盡一杯酒殺人都市中羞道易水寒從今日  
貫虹燕丹事不立虛沒秦帝宮武陽死灰人安可與  
成功

同前

唐沈彬

重義輕生一劍知白虹貫日報讎歸片心惆悵清平  
世酒市無人問布衣

少年子

齊王融

聞有東方騎，遙見上頭人。待君送客返，桂釵當自陳。

同前

梁吳均

董生能巧笑，子都信美目。百萬市一言，千金買相逐。不道參差菜，誰論窈窕淑。願言奉繡被，來就越人宿。

同前

唐李百藥

少年飛翠蓋，上路動金鑣。始酌文君酒，新吹弄玉簫。少年不歡樂，何以盡芳朝。千金笑裏面，一搦抱中腰。掛冠豈憚宿，迎拜一作落不勝嬌。害語少年子，無辭歸路遥。

同前

李白

青雲年少子，挾彈章臺左。鞍馬四邊開，突如流星過。

三四十三

樂府詩集卷六

四

金丸落飛鳥，夜入瓊樓卧。夷齊是何人，獨守西山餓。

少年樂

唐李賀

芳草落花如錦地，二十長遊醉鄉裏。紅纓不重白馬，  
驕垂柳金絲香拂水。吳娥未笑花不開，綠鬢聳隨蘭  
雲起。陸郎倚醉牽羅袂，奪得寶釵金翡翠。

同前

唐張祜

二十便封侯，名居第一流。綠鬢深小院，清管下高樓。  
醉把金船擲，閑敲玉鐙遊。帶盤紅氍毹，袍研紫犀牛。  
錦袋歸調箭，羅鞋起撥毬。眼前長貴盛，那信世間愁。

少年行三首

李白

擊筑飲美酒，劒歌易水湄。經過燕太子，結託并州兒。

少年負壯氣奮烈自有時因聲魯句踐爭情博作勿  
相欺

五陵年少金市東銀鞍白馬度春風落花踏盡遊何  
處笑入胡姬酒肆中

君不見淮南少年遊俠客白日毬獵夜擁擲呼盧百  
萬終不惜報讎千里如咫尺少年遊俠好經過渾身  
裝束皆綺羅蘭蕙相隨喧妓女風光去處滿笙歌驕  
矜自言不可有俠士堂中養來久好鞍好馬乞與人  
十千五千旋沽酒赤心用盡為知己黃金不惜栽桃  
李桃李栽來幾度春一回花落一回新府縣盡為門  
下客王侯皆是平交人男兒百年且樂命何須徇書

樂府詩集卷六十六

五

受貧病男兒百年且祭身何須徇節甘風塵衣冠半  
是征戰士窮儒浪作林泉民遮莫枝根長百尺不如  
當代多還往遮莫親姻連帝城不如當身自簪纓看  
取富貴眼前者何用悠悠身後名

同前四首

唐王維

新豐美酒斗十千咸陽遊俠多少年相逢意氣為君  
飲繫馬高樓垂柳邊

漢家君臣歡宴終高義雲臺論戰功天子臨軒賜侯  
印將軍佩出明光宮

出身仕漢羽林郎初隨驃騎戰漁陽孰知不向邊庭  
苦縱死猶聞俠骨香

一身能臂兩雕弧虜騎千羣只似無偏坐金鞍調白羽  
絲絲射殺五單于

同前二首

唐王昌齡

西陵俠年少送客過長亭青槐夾兩路白馬如流星  
聞道羽書急單于寇并陞氣高輕赴難誰顧燕山銘  
走馬還相尋西樓下夕陰結交期一劍留意贈千金  
高閣歌聲遠重闕柳色深夜閑須盡醉莫負百年心

同前

唐張籍

少年從出獵長楊禁中新拜羽林郎獨到輦前射雙  
虎君王手賜黃金鎗日日闔鷄都市裏贏得寶刀重  
刻字百里報雙夜出城平明還在倡樓醉遙聞虜到  
平陵下不待詔書行上馬斬得名王獻桂宮封侯起  
第一日中不為六郡良家子百戰始取邊城功

同前三首

唐李嶷

十八羽林郎戎衣事漢王臂鷹金殿側挾彈玉輿旁  
馳道春風起陪遊出建章

侍獵長楊下承恩更射飛塵生馬影滅箭落鴈行稀  
薄暮歸隨仗聯翩入瓊閣

玉劍膝邊橫金杯馬上傾朝遊茂陵道暮宿鳳凰城  
豪吏多猜忌無勞問姓名

同前

唐劉長卿

射飛誇侍獵行樂愛聯鑣薦枕青娥艷鳴鞭白馬驕

曲房珠翠合深巷管絃調日晚春風裏衣香滿路飄  
同前四首 唐令狐楚

少小邊州慣放狂騾騎蕃馬射黃羊如有年事無筋  
力猶倚營門數鴈行

家本清河住五城須憑弓箭得功名等閑飛鞚秋原  
上獨向寒雲試射聲

弓背霞明劍照霜秋風走馬出咸陽未收天子河隍  
地不擬回頭望故鄉

霜滿中庭月過樓金樽玉柱對清秋當年稱意須為  
樂不到天明未肯休

同前二首

唐杜牧

樂府詩集卷六十六

七

官為駿馬監職帥羽林兒兩綬藏不見落花何處期  
獵敲白玉鐙怒袖紫金鉗田賓長留醉蘇辛曲護岐  
豪持出塞節笑別遠山眉捷報雲臺賀公卿拜壽庭  
連環羈玉聲先碎綠錦蔽泥虬卷高春風細雨走馬  
去珠絡瓘瓘白羽袍

同前三首

唐杜甫

莫笑田家老瓦盆自燒盛酒長兒孫傾銀注瓦驚人  
眼共醉終同卧竹根

巢燕養雛渾去盡紅花結子已無多黃衫年少來宜  
數不見堂前東逝波

馬上誰家白面

薄一云

郎

臨替下馬坐人抹不通姓字

豪甚指點銀瓶索酒嘗

同前

張祐

少年足風情垂鞭賣眼行帶金師子小裘錦騏驎  
選匠裝金鐙推錢買鈿箏李注改雖効死時論得虛名

同前

唐韓翃

千點爛爛噴玉驄青絲結尾繡纏鬃鳴鞭晚出章臺  
路葉葉春依楊柳風

同前

唐施肩吾

醉騎白馬走空衢惡少皆稱電不如五鳳街頭閑勒  
轡半垂衫袖揖金吾

同前三首

唐僧貫休

樂府詩集卷六十六

八

錦衣鮮華手擎鶻閑行氣貌多輕忽穆穠難捻不  
知五帝三皇是何物

同前

唐韋莊

自奉五色毬迸入他人宅却提蒼頭奴玉鞭打一百  
面白如削玉猖狂曲江曲馬上黃金鞍適來新賭得

同前

唐韋莊

五陵豪客多買酒黃金賤醉下酒家樓美人雙翠幘  
揮劍邯鄲市走馬梁王苑樂事殊未央爭華已云晚

漢宮少年行

唐李益

君不見上宮警夜營八屯鼓鼙寒街鼓朝朱軒玉階霜  
仗擁未合少年排入銅龍門暗聞弦管九天上宮漏

沉沉清吹繁纒明走馬絕馳道呼鷹挾彈通繚垣玉



籠金鎖養黃口探鷄取卵伴王孫分曹六博快一擲  
迎歡先意笑語喧巧爲柔媚學優孟儒衣嬉戲寇沐  
猿晚來香街經柳市行過倡市宿桃根相逢杯酒一  
言失回朱點白間至尊金張許史伺顏色王侯將相  
莫敢論豈知人事無定勢朝歡暮戚如掌翻椒房寵  
移子愛奪一夕秋風生戾園徒用黃金將買賦寧知  
白玉暗成痕持杯收水水已覆徒薪避火火更燔欲  
求四老張丞相南山如天不可上

長樂少年行

唐崔國輔

道却珊瑚鞭白馬驕不行章臺折楊柳春草路旁情  
長安少年行

梁何遜

長安美少年羽騎暮連翩玉羈馬腦勒金絡珊瑚鞭  
陣雲橫塞起赤日下城圓追兵待都護烽火望祁連  
虎落夜方寢魚懸曉復前平生不可定空信蒼浪天

同前

陳沈炯

長安好少年駘馬鐵連錢陳王裝腦勒晉后鑄金鞭  
步搖如飛鸞寶劍似舒蓮去來新市側遨遊大道邊  
道邊一老翁顏鬢如衰蓬自言居漢世少小見英雄  
五侯俱拜爵七貴各論功建章通北關復道度南宮  
太后居長樂天子出回中玉輦迎飛鸞金山賞鄧通  
一朝復一日忽見朝市空扶桑無復海崑山倒向東  
少年何假問積齡值福終子孫冥滅盡鄉閭復不同

淚盡眼方暗，解傷耳自聾。  
杖策尋遺老，歌嘯詠悲翁。  
遭隨各有遇，非敢訪童蒙。

同前十首

唐李廓

金紫少年郎，繞街鞍馬光。  
身從左中尉，官屬右春坊。  
刻戴揚州帽，重薰異國香。  
垂鞭踏青草，來去杏園芳。  
追逐輕薄伴，閑遊不著緋。  
長籠出獵馬，數換打毬衣。  
曉日尋花去，春風帶酒歸。  
青樓無晝夜，歌舞歇時稀。  
日高春睡足，帖馬賞年華。  
倒挿銀魚袋，行隨金犢車。  
還携新市酒，遠醉曲江花。  
幾度歸侵黑，金吾送到家。  
好勝耽長行，天明燭滿樓。  
留人看獨脚，賭馬換偏頭。  
樂奏曾無歇，盃巡不暫休。  
時時遥吟笑，恠客有春愁。

遊遊携艷妓，裝束似男兒。  
見盃酒逢花住，笙歌簇馬吹。  
鶯聲催曲急，春色訝歸遲。  
不以聞街鼓，華筵待月移。  
賞春唯逐勝，大宅可曾歸。  
不樂還逃席，多狂慣衩衣。  
歌人踏月起，語燕卷簾飛。  
好婦唯相妬，倡樓不醉稀。  
戟門連日閉，苦飲惜殘春。  
開鎖通新客，教姬屈醉人。  
請歌牽白馬，自舞踏紅茵。  
時輩皆相許，平生不負身。  
新年高殿上，始見有光輝。  
玉鷹排方帶，金鵝立仗衣。  
酒深和碗賜，馬疾打珂飛。  
朝下人爭看，香街意氣歸。  
遊市慵騎馬，隨姬入坐車。  
樓邊聽歌吹，簾外市釵花。  
樂眼從人鬧，歸心畏日斜。  
蒼頭來去報，飲伴到倡家。  
小婦教鸚鵡，頭邊喚醉醒。  
犬嬌眠玉鼻，鷹掣撼金鈴。

君地攢花障紅泥待客亭雖然長按曲不飲不曾聽

同前

唐僧皎然

翠樓春酒蝦蟇陵長安少年皆共矜紛紛半醉練槐  
道蹀躞花駘驕不勝

渭城少年行

唐崔顥

洛陽二月梨花飛秦地行人春憶歸揚鞭走馬城南  
陌朝逢驛使秦川客驛使前日發章臺傳道長安春  
早來棠梨宮中鶯初至葡萄館裏花正開念此使人  
歸更早三月便逢長安道長安道上春可憐搖風蕩  
日曲河邊萬戶樓臺臨渭水五陵花柳滿秦川秦川  
寒食盛繁華遊子春來喜見花聞雞下杜塵初合走

三九十一

樂府詩集卷六十六

十一

馬章臺日半斜章臺帝城稱貴里青樓日晚歌鍾起  
貴里豪家白馬驕五陵年少不相饒雙雙挾彈來金  
市兩兩鳴鞭上渭橋渭城橋頭酒初熟金鞍白馬誰  
家宿可憐錦瑟琴琵琶玉臺清酒就君家小婦春來  
不解羞嬌歌一曲楊柳花

邯鄲少年行

唐高適

邯鄲城南遊俠子自矜生長邯鄲裏干場縱博家仍  
富幾度報讎身不死宅中歌笑日紛紛門外車馬如  
雲屯未知肝膽向誰是令人却憶平原君君不見今  
人交態薄黃金用盡還踈索以茲感激歎作醉簞遊  
更於時事無所求且與少年飲美酒往來射獵西山

同前

唐鄭錫

霞鞍金口騮  
豹袖紫貂裘  
家住叢臺下  
門前漳水流  
喚人呈楚舞  
借客試吳鉤  
見說秦兵至  
甘心赴國讎

樂府詩集卷第六十六

樂府詩集卷第六十六

樂府詩集卷第六十六  
同前  
唐鄭錫

樂府詩集卷第六十七

太原

郭

茂倩

編次

雜曲歌辭

輕薄篇

晉張華

樂府解題曰輕薄篇言乘肥馬衣輕裘馳  
逐經過為樂與少年行同意何遜云城東  
美少年張正見云洛陽美少年是也

末世多輕薄驕或好浮華志意能作放逸貲財亦

豐奢被服極纖麗有膳盡柔嘉僮僕餘梁肉婢妾蹈

綾羅文軒樹羽蓋乘馬鳴玉珂橫簪刻玳瑁長鞭錯

象牙足下金鑄履手中雙莫耶賓從煥絡繹侍御何

樂府詩集卷六十七

芬葩朝與金張期暮宿許史家甲第面長街朱門赫

嵯峨蒼梧竹葉清宜城九醞醪浮醪隨觴轉素蟻自

跳波美女興齊趙妍唱出西巴一顧傾城國千金不

足多北里獻奇舞大陵奏名歌新聲踰激楚妙妓絕

陽阿玄鶴降浮雲鱣魚躍中河墨翟且停車展季猶

咨嗟淳于前行酒雍門坐相和孟公結重闕賓客不

得蹉三雅或何遲耳熱眼中花盤按互交錯坐席咸

誼譁簪珥咸墮落寇冕皆傾邪酣飲終日夜明燈繼

朝霞絕纓尚不尤安能復顧他留連彌信宿此歡難

可過人生若浮寄年時忽蹉跎促促朝露期榮樂遽

幾何念此腸中悲涕下自滂沱但畏執法吏禮防且

切磋

同前

梁何遜

城東長一作安美少年重身輕萬億拓彈隨珠丸白馬黃

金飾長安九遠上青槐蔭道植鞍擊晨已喧肩排瞑

不息走狗東西望牽牛向南直相期百戲傍去來三

市側象林香繡被玉盤傳綺食大姊姊一作姐掩扇歌小

妹姊一作婦開簾織相看獨隱笑見人還斂色黃鶴悲故

群山枝詠新識烏飛過客盡雀聚行龍匿酌羽方獸

獸此時歡未極

同前

陳張正見

洛陽美年少朝日正開霞細蝶連錢馬傍趨首看花

樂府詩集卷六十七

二

揚鞭還却望春色滿東家井桃映水落門柳雜風斜

綿蠻弄青綺蛺蝶遶承華欲往飛廉館遥駐季倫車

石榴傳馬瑤蘭看莫象牙聊持自娛樂未是闌豪華

莫嫌龍馭晚扶桑復浴鷗

同前

唐李益

豪不必馳千騎雄不在垂雙鞬天生俊氣自相逐出

與鷗鷺同飛翻朝行九衢不得意下鞭走馬城西原

忽聞燕鴈一聲去迴鞭挾彈平陵園歸來青樓曲未

半美人玉色當金罇淮陰少年不相下酒酣半笑倚

市門安知我有不平色白日欲顧紅塵昏死生容易

如反掌得意失意由一言少年但飲莫相問此中報

警亦報恩

同前二首

唐僧貫休

繡林錦野春態相壓誰家少年馬蹄蹋蹋聞雞走狗  
夜不歸一擲賭却如花妾唯云不顛不狂其名不彰  
悲夫

木落蕭蕭蛩鳴唧唧不覺朱鳶臉紅霜劫鬢漆世途  
多事泣向秋日方吟少壯不努力老大徒傷悲如何

輕薄行

唐僧齊己

玉鞭金鐙驕驕蹄橫眉吐氣如虹霓五陵春暖芳草  
齊笙歌到處花成泥日沈月上且鬪鷄醉來莫問天  
高低伯陽道德何涕唾仲尼禮樂徒卑栖

三六方

樂府詩集卷六十七

三

灞上輕薄子

唐孟郊

長安無緩步況值天景暮相逢灞澗間親戚不相顧  
自嘆方拙身忽隨輕薄倫常恐失所避化為車轍塵  
此中生白髮疾走亦未歇

遊俠篇

張華

漢書遊俠傳曰戰國時列國公子魏有信  
陵趙有平原齊有孟嘗楚有春申皆藉王  
公之勢競為遊俠以取重諸侯顯名天下  
故後世稱遊俠者以四豪為首焉漢興有  
魯人朱家及劇孟郭解之徒馳騫於閭里  
皆以俠聞其後長安熾盛街閭各有豪俠

時萬章在城西御市號曰城西萬章酒市  
有趙君都賈子光皆長安名豪報仇怨發  
刺客者也魏志曰楊阿若後名豐字伯陽  
少遊俠常以報仇解怨為事故時人為之  
號曰東市相斫楊阿若西市相斫楊阿若  
後世遂有遊俠曲魏陳琳晉張華又有博  
陵王宮俠曲

翩翩四公子濁世稱賢明龍虎相交爭七國並抗衡  
食客三千餘門下多豪英遊說朝夕至辯士自從橫  
孟嘗出東關濟身由鷄鳴信陵西反魏秦人不窺兵  
趙勝南詛楚乃與毛遂行黃歇北適秦太子還入荆

樂府詩集

六十七

四

美哉遊俠士何以尚四卿我則異於是好古師老彭

同前

周王褒

京洛出名謳豪俠競交遊河南朝四姓關西謁五侯  
鬪雞橫大道走馬出長秋桑陰徒將夕魏路轉淹留

同前

陳良

洛陽盤春色遊俠騁輕肥水逐車輪轉塵隨馬足飛  
雲影遙臨蓋花氣近熏衣東郊鬪雞罷南皮射雉歸  
日暮河橋上揚鞭惜晚暉

同前

唐崔顥

少年負膽氣好勇復知機仗劍出門去孤城逢合圍  
殺人遼水上走馬漁陽歸錯落金鎖甲蒙茸貂鼠衣



還家行且獵弓矢速如飛地迥鷹犬疾草深狐兔肥  
腰間縣兩綬轉盼生光輝顧謂今日戰何如隨劍威

遊俠行

孟郊

壯士性剛決火中見石裂殺人不同頭輕生如暫別  
豈知眼有淚肯白頭上髮平生無恩酬劍開一百月

俠客行

王筠

俠客趨名利劍氣坐相矜黃金塗鞘尾白玉飾鈎膺  
晨池廣遊陌日暮返平陵舉鞭向趙李與君方代興

俠客行

趙客縵胡纓吳鈎雪白明銀鞞照白馬颯沓如流星  
十步殺一人十步不留行事了拂衣去深藏身與名

樂府詩集六十七

五

閉心信陵飲脫劍膝前橫將炙啖朱亥持觴勸侯嬴  
三杯吐然諾五岳倒為輕眼花耳熱後意氣素霓生  
救趙揮金槌邯鄲先震驚千秋二壯士烜赫大梁成  
縱死俠骨香不慚世上英誰能書閣下白首太玄經

同前

元稹

俠客不怕死怕在事不成事成不肯藏姓名我非竊  
賊誰夜行白日堂堂殺袁盎九衢草無人面青此客  
此心師海鯨海鯨露背滄溟海波分作兩處生海鯨  
分海減海力俠客有謀人莫測三尺錢地延二國

同前

溫庭筠

欲出鴻都門雲開城闕寶劍暗如水微紅濕余血

白馬夜頻嘶一作驚三更灞陵雪

博陵王宮俠曲二首

張華

俠客樂幽險築室窮山舍獠亂野獸稀施網川無禽  
歲暮飢寒至忼慨對足吟窮令壯士激安能喪苦心  
干將坐自繇弱控餘音耕佃窮淵陂種粟著劒鐔  
收秋狹路間一擊重千金棲遲熊羆月容与虎豹林  
身在法令外縱逸常不禁

雄兒任氣俠聲蓋少年塲借友行報怨殺人租市傍  
吳刀鳴手中利劒嚴秋霜腰間又素戟手持白頭鑲  
騰超如激電回旋如流光奮擊當手決交屍自縱橫  
寧約殤鬼雄義不入圜墻生從命子遊死脊俠骨香

樂府詩集六十七

六

身以心不懲勇氣加四方

遊獵篇

張華

樂府解題曰劉孝威遊獵篇云之果講射  
所上林遊獵塲備言遊行射獵之事亦謂  
之行行遊且獵篇

歲莫疑霜結堅冰汨幽泉厲風蕩原隰浮雲蔽昊天  
玄雲掩靄合素雪絲連翩鷹隼始擊鷙虞人獻時鮮  
巖駕鳴騶侶攬轡過中田戎車方回牡文軒馭紫燕  
輿徒既整飭容服麗且妍武騎列重圍前驅抗脩梅  
倏忽侶回飈終繹若浮煙鼓噪山崩動衝城雲霧連  
輕繒拂素霓纖網蔭長川遊魚未暇竄歸雁不得旋

由基控繇弱公差捺黃閣机茨應弦倒一縱連雙肩  
僵禽正狼藉落羽何翩：積獲被山自流血丹中原  
馳騁未及勸曜靈俄移晷結且彌數宅囂声振四鄙  
鳥驚觸白刃獸駭挂流矢仰手接遊鴻舉足蹴虎兕  
如黃披狡兔青鶻撮飛雉鵠驚不盡鳧鷖安足眎日  
冥徒御勞勸賞課能否野饗會眾賓玄酒甘且旨燔  
炙播遺芳金觴浮素蟻珍羞墜歸雲織肴出淶水四  
氣運不停年時何疊：人生忽如寄居世詎能幾至  
人同禍福達士等生死榮辱同一門安知惡與美遊  
放使心狂覆車難再履伯易為我誠檢跡投清軌

行行且遊獵

梁劉孝威

梁詩集卷六十七

七

之不講射所上林娛獵塲選徒嬌楚客詔狩誇胡王  
罕車已戒道風鳥復啟行飲飛且習繳材官命蹶張  
高置揜月兔勁矢射天狼蹠地不遑免排虛豈入翔  
日算鈎陳轉風清鏡吹揚歸來宴平樂寧肯滯禽荒

同前

李白

邊城兒生平不讀一字書但知遊獵誇輕趨胡秋馬  
肥宜白草騎來躡影何矜驕憐一作嬌可金鞭拂雲揮鳴  
鞘半酣呼鷹出遠郊弓彎滿月不虛發雙鶴迸落連  
飛髀海邊觀者皆辟易猛氣英風振沙磧儒生不及  
遊俠人白首下帷復何益

遊子吟

孟郊

漢蘓武詩曰幸有絃歌曲可以喻中衷請  
為遊子吟冷：一何悲又有遊子移尔類  
此也

慈母手中線遊子身上衣臨行密：縫意恐遲、歸  
誰言寸心草報荅三春暉

同前

顧況

故樵思疲馬故巢思迷禽浮雲蔽我鄉躑躅遊子吟  
遊子悲久住浮雲鬱東岑客坐無絲桐落葉如秋霖  
浪哉遠遊子所以悲滯淫一為浮雲詞憤塞誰能禁  
馳驅百年內唯願展所欽胡為不歸歟坐使年病侵  
才心霜遠鬢非狂火燒心太行何艱哉北斗不可斟

樂府詩集六十七

八

夜山星何出耿：辰与叅佳人憂青天尺素重於金  
次寥群動異眇然諸境森苔衣上閑階蜻蛚催寒砧  
立身計幾危道險無容鍼三年不還家萬里遺錦衾  
夢竟無重阻離憂因古今胡為不歸歟孤負丘中琴  
腰下是何物牽纏曠登尋朝与名山期夕宿楚水含  
楚水殊演漾名山杳嶇嶽客從洞庭來婉孌瀟湘深  
橘柚在南國鴻雁遺秋音下有碧草洲上有青橘林  
引燭窺洞穴凌波睥天琛蒲荷影叅差鳧雀雖淋泔  
皓歌惜芳杜散髮輕華簪胡為不歸歟淚下沾衣襟  
鳶飛唳霄漢螻蟻制鱣鱓赫：大聖朝日月光照臨  
聖主雖啓迪奇人分堙沉層城發雲韶玉府將球

鹿鳴志豐草况復虞人箴

遊子吟

李益

女羞夫婿蕩客恥主人賤遭遇同衆流低回愧相見  
君非青銅鏡何事空照面莫以衣上塵不謂心如練  
人生當榮盛待士勿言倦君看白日馳何異弦上箭

遊子移

劉昫

三河遊蕩子鬚顏邁荆寶携持玉柱第懷挾忘憂草  
網繆甘泉中馳逐邯鄲道春服候時製秋紉迎涼造  
珎魄暉素腕玉迹滿襟抱常歎樂日晏恒悲歡不早  
揮吹傳舊美趨謠盡新好仲尼為輟餐秦王足傾倒

壯士篇

張華

三五六

樂府詩集卷六十七

九

燕荆軻歌曰風蕭蕭兮易水寒壯士一去  
兮不復還壯士篇蓋出於此

天地相震蕩回薄不知窮人物稟常格有始必有終  
年時俛仰過功名宜速崇壯士懷憤激安能守虛沖  
乘我大宛馬撫我繁弱弓長劍橫九野高冠拂玄穹  
慷慨成素霓嘯吒起清風震響駭八荒奮威曜四戎  
濯鱗滄海畔馳騁大漠中獨步聖明世四海稱英雄

壯士吟

唐賈島

壯士不曾悲悲即無回期如何易水上未歌先淚垂

壯士行

唐劉禹錫

陰風振寒郊猛虎正咆哮徐行出燒地連吼入黃茆

壯士走馬去，鎧前彎玉稍。叱之使人立，一發如鉞交。  
悍情忽星墜，飛血濺林梢。彪炳為我席，羶羶充我庖。  
里正欣害除，賀酒紛號呶。明日長橋上，傾城看斬蛟。  
山河不足重，重在遇知己。

同前

唐鮑溶

同前

唐施肩吾

一斗之膽撐臟腑，如礪之筋礙臂骨。有時候入千人  
叢，自覺一身橫突兀。當今四海無烟塵，胷襟被壓不  
得入。凍泉殘蠶我不取，汚我匣裏青蛇鱗。

二九五

樂府詩集卷六十七

十

樂府詩集卷第六十七







